

Na osnovu člana 14. Zakona o koncesijama ("Službene novine Bosansko-podrinjskog kantona Goražde", broj: 5/03), Ministarstvo za privredu Bosansko-podrinjskog kantona Goražde raspisuje:

JAVNI KONKURS

za prikupljanje ponuda za dodjelu koncesija za projektovanje, izgradnju, korištenje i prijenos malih hidrocentrala na rijekama Osanica na području općine Goražde, Kolina na području općine Foča - Ustikolina i Čemernica na području općine Pale - Prača

1. Predmet koncesije je projektovanje, izgradnja, korištenje i prijenos malih hidrocentrala na rijekama Osanica, Kolina i Čemernica, kako slijedi:

- MHE "Osanica 2", rijeka Osanica, općina Goražde
Elektrana akumulaciono-derivacionog tipa instalirane snage 742,90 kW i moguće godišnje proizvodnje 2.260,90 MWh;
- MHE "Osanica 3", rijeka Osanica, općina Goražde
Elektrana akumulaciono-derivacionog tipa instalirane snage 650,60 kW i moguće godišnje proizvodnje 2.343,20 MWh;
- MHE "Osanica 5", rijeka Osanica, općina Goražde
Protočna elektrana derivacionog tipa instalirane snage 254,57 kW i moguće godišnje proizvodnje 1.243,40 MWh;
- MHE "Kolina 4", rijeka Kolina, općina Foča - Ustikolina
Protočna elektrana derivacionog tipa instalirane snage 519,03 kW i moguće godišnje proizvodnje 2.363,80 MWh;
- MHE "Kolina 5", rijeka Kolina, općina Foča - Ustikolina
Protočna elektrana derivacionog tipa instalirane snage 196,30 kW i moguće godišnje proizvodnje 898,60 MWh.

• MHE "Čemernica", općina Pale - Prača, instalirane snage 600 kW i moguće godišnje proizvodnje 2.594 MWh
Ponuđači mogu pripremiti svoje ponude za jednu ili više predloženih malih hidroelektrana. Svaka mala hidroelektrana će biti razmatrana posebno.
Koncesor je pripremio Elaborate o koncesiji koji sadrže minimalne podatke o koncesiji i uslove pod kojima se koncesija može dodijeliti.

Svaki od ponuđača uz ponudu potrebno je da dostavi idejna rješenja svake od ponuđenih malih hidroelektrana u kojima će biti definisani svi tehnički parametri i data procjena cijene koštanja objekta uz obavezu iskazivanja specifičnih investicija, studiju o ekonomskoj opravdanosti građenja MHE i studiju procjene utjecaja na okoliš.

2. Mjesta korištenja koncesija su rijeke Osanica, Kolina i Čemernica. Preciznije lokacije su određene u tenderskoj dokumentaciji.

3. Koncesija se dodjeljuje na vrijeme od 30 (trideset) godina.

4. Za korištenje koncesije plaćat će se naknada čiji će se iznos, način, postupak i rokovi plaćanja utvrditi ugovorom o koncesijama.

5. Ponuda treba da sadrži:

- naziv i adresu ponuđača,
- ovjeren izvod iz sudskog registra,
- referenc listu,
- ovjeren originalni primjerak ponude koji sadrži:
 - a) opciju ponude,
 - b) cijenu izraženu u KM,
 - c) uslove plaćanja i

- d) rok valjanosti ponude
- bankovnu garanciju naplativu na ime davaoca koncesije na iznos od 20.000,00 KM po svakoj ponuđenoj MHE sa rokom važenja 30 (trideset) dana duže od opcije ponude, koja se vraća neuspješnim ponuđačima.
Ponuđači koji budu odabrani kao koncesionari dužni su prilikom potpisivanja ugovora priložiti garanciju za dobro obavljen posao na iznos od 50.000,00 KM za svaku MHE na ugovoreni period za realizaciju Projekta
 - drugu dokumentaciju koju ponuđači smatraju bitnom.
6. Utvrđuju se slijedeći kriteriji za odabir najpovoljnijeg ponuđača:
 - a) uticaj koncesije na razvoj privrede područja na kojem se koncesija treba vršiti,
 - b) broj radnika koji će koncesionar zaposliti na ostvarivanju koncesije,
 - c) racionalna tehnologija sa aspekta korištenja prirodnih bogatstava,
 - d) povoljna tehnička rješenja,
 - e) podobnost ponuđača u finansijskom, organizacionom i kadrovskom pogledu kao i u pogledu tehničke opremljenosti prije početka korištenja koncesije,
 - f) učešće domaćih privrednih društava, domaće opreme i sirovina koje ponuđač namjerava angažovati odnosno nabaviti za potrebe korištenja koncesije,
 - g) mjere koje ponuđač namjerava izvršiti u cilju revitalizacije obnovljivog prirodnog bogatstva i rekultivacije neobnovljivog prirodnog bogatstva,
 - h) iznos naknade za korištenje koncesije,
 - i) sredstva koja se namjeravaju uložiti u koncesiju,
 - j) rok za početak i završetak radova.
 7. Korištenje koncesije vršit će se i pod posebnim uslovima koji će se odrediti odlukom o dodjeli koncesije i ugovorom o koncesiji.
 8. Pravo učešća na konkursu imaju privredna društva i druga pravna lica registrovana u skladu sa propisima Federacije BiH, Republike srpske i Brčko Distrikta BiH.
 9. Rok za podnošenje pismenih ponuda je 30 (trideset) dana računajući od dana objavljivanja ovog konkursa.
 10. Za preuzetu tendersku dokumentaciju plaća se 200,00 KM na žiro račun Budžeta Kantona broj: 1731041000293170, vrsta prihoda 722631, općina 033, otvoren kod CBS Bank d.d. Sarajevo - filijala Goražde.
Bosansko-podrinjski kanton Goražde ne snosi nikakve troškove bilo kojeg učesnika u postupku javnog nadmetanja koji su nastali prije sklapanja ugovora sa odabranim ponuđačem. Novčana sredstva koja se uplaćuju kao uslov za učestovanje na javnom konkursu su nepovratna i ne umanjuju se od konačne cijene ponude koja bude odabrana.
 11. Zapečaćene ponude dostaviti na adresu Ministarstva za privredu Bosansko-podrinjskog kantona Goražde, ul. M. Tita br. 13, sa naznakom "Ponuda za dodjelu koncesije za izgradnju MHE na rijekama Osanica, Kolina i Čemernica", NE OTVARAJ! Na zapečaćenoj ponudi mora biti naznačen naziv i adresa ponuđača, podaci o ovlaštenom kontakt licu i njegovom broju telefona.
 12. O javnom otvaranju pristiglih ponuda blagovremeno će se obavijestiti svi ponuđači. Postupak otvaranja ponuda izvršit će se i u slučaju ako je po oglasu o javnom konkursu pristigla samo jedna ponuda.
 13. Sve pristigle ponude će procjenjivati konkursna komisija i predložiti najpovoljniju ponudu na osnovu vrednovanja posebnih kriterija.
 14. Potrebne informacije mogu se dobiti na telefon 038 228 640 - kontakt osoba Omeragić Ismet.

MINISTAR
Bučo Ferid, dipl.ing